



UNIVERSITÄTS-
BIBLIOTHEK
PADERBORN

Universitätsbibliothek Paderborn

Novæ Observationes Et Additiones Ad A. R. P. D. Bartholomæi Gavanti Congreg. Cleric. Regul. S. Pauli ac Sac. Rit. Congregat. Consultoris Commentaria In Rubricas Missalis Et Breviarii Romani

Adjectis Summorum Pontificum & Sac. Rit. Congreg. Decretis usque ad
præsens emanatis

Complectens III. & IV. Partem Commentariorum Gavanti in Rubricas
Missalis

Merati, Gaetano Maria

Augustæ Vindellicorum, 1740

VD18 10783695-002

Appendix Aliorum Decretorum, quæ solùm post confectum, & coordinatum
superiorem Indicem, quoad maximam sui partem, reperta fuerunt, &
collata cum suis Originalibus, descriptis in Regestis S.R.C.

urn:nbn:de:hbz:466:1-39964

nonizationis dubitatum fuerit de Ordine servando in exprimendis Nominibus B. Vincentii à Paulo Sacerdotis Fundatoris Congregationis Missionis & Societatis Paellarum de Charitate : & B. Johannis Francisci Regis Sacerdotis Professi Societatis Jesu ; Congregatio Particularis Sacrorum Rituum à Sanctissimo Domino Nostro deputata hoc suo Decreto statuit, & mandat, servari memorata Decreta, cum hac tamen declaratione, quòd si inter plures ejusdem status & Ordinis reperitur unus, qui sit Fundator alicujus Religionis, Congregationis, Societatis, aut alterius hujusmodi Instituti, sive Clericalis, sive Regularis, à S. Sede approbati,

præferatur aliis, qui hanc qualitatem Fundatoris non habent, licet ante in Domino obdormierint, ideoque in casu, de quo agitur, primo loco nominetur Vincentius à Paulo, secundo Johannes Franciscus Regis, si SSmo, &c. Die 16. Aprilis 1737.

Factaque per me Fidei Promotorem de prædictis SS. Domino Nostro CLEMEN- TI XII. relatione, Sanctitas Sua Decretum istud prædictæ Sacræ Congregationis Particularis confirmavit, & approbavit, & in posterum servari mandavit. Die 17. ejusdem Mensis Aprilis 1737.

Ludovicus de Valenibus
S. Fidei Promotor.

APPENDIX

Aliorum Decretorum, quæ solùm post confectum, & coordinatum superiorem Indicem, quoad maximam sui partem, reperta fuerunt, & collata cum suis Originalibus, descriptis in Regestis S. R. C.

702 **C**anonicus Protonotarius potest uti subana violacea in Choro, & in Ecclesia, dum Divinis assistit, dummodò in cæteris habitum proprium Canonicis convenientem deferat. S. R. C. 14. Januarii 1612. in *Panormiana*.

703 Coadjutor Canonici justa de causa immunis, & exempti à Choro, tenetur interesse, ut Canonicus lucretur distributiones. S. R. C. 20. Februarii 1627. *ad dubium de Coadjutoris*.

704 Protonotarii Titulares præcedere debent Canonicos Cathedralis Collegialiter non incedentes. S. R. C. 12. Julii 1628. in *una Urbis*.

705 Præcedentia semper danda est supra

Dignitates, & Canonicos, Vicario Generali, tam præsentem, quam absente Episcopo, prout declaravit S. R. C. 25. Martii 1602. in *Lauretana*, & *Nolana*. S. R. C. 7. Augusti 1628. *ad dubium de Vicario Generali*.

706 Electus Ecclesiæ Archiepiscopalis non potest exercere Pontificalia in sua Ecclesia, ante receptionem Pallii. S. R. C. 28. Augusti 1627. in *Ulyssiponen*.

707 Quando adest obligatio, & onus facienda diversa Anniversaria statis diebus, in quibus occurrunt Festa duplicia, sive semiduplicia, necnon etiam tempus Quadragesimale, & quatuor Tempora, Vigilia, & similia, Missa Conventualis nullo pacto

- paſto eſt omittenda, ſed utraque Miſſa eſt cantanda, altera de die, altera de Requiem, etiamſi occurrat Feſtum duplex, dummodo non ſit feſtium de præcepto, ad hoc, ut Teſtatorum voluntates adimpleantur, & licite elemoſyna lucrari poſſit, ut declaravit 1. Septembris 1607. in *Pampelonen*. S. R. C. 29. Novembris 1628. in *ſanen*. Vide in Indice num. 20. & alios ibi notatos.
- 708 Sacerdos etiamſi ſit Dignitas, vel Canonicus, abſente, vel impedito Epifcopo, diſtribuens Palmas, juxta Decretum 18. Julii 1626. ſtare debet capite detecto. S. R. C. 31. Martii 1629. in *Pientina*.
- 709 Epifcopus poteſt cogere Sacerdotes Seculares, ut audiant Confeſſiones Sacramentales cum Superpelliceo, & Stola, & Regulares cum Stola tantum, S. R. C. 28. Auguſti 1628. in *Casertana*.
- 710 Coadjutores, quando Coadjuti ſunt præſentes in Choro, vel Proceſſionibus, non poſſunt in habitu Canonicali intervenire. S. R. C. 24. Maji 1636. in *una Civitatis Caſtelli*.
- 711 Non valentes ſatisfacere Anniverſariis Defunctorum in diebus Ferialibus, poſſunt ipſa adimplere in Feſtis duplicibus, non tamen de præcepto. S. R. C. 3. Martii 1629. in *Papian*. Vide in Indice n. 20. & 707.
- 712 In Altari, ſub quo ſunt ſepulta Cadavera Defunctorum, non poteſt celebrari. S. R. C. 11. Junii 1629. in *una Turritana*.
- 713 Benedicſio cum SS. Sacramento danda eſt in fine Hymni *Pange lingua*, non verò ad *ſ. Sit, & Benedicſio*. S. R. C. 5. Februarii 1639. in *Sabinen*.
- 714 Cappellani Societatum non poſſunt prohiberi à Parocho, celebrare Miſſam ante Miſſam Parochialem, S. R. C. 11. Novembris 1641. in *Narnien*. Vide n. 420.
- 715 Feria V. in Cœna Domini Epifcopus debet per ſe ipſum miniſtrare Euchariſtiam Canonicis, & Clericis, nunquam verò debet illam miniſtrare Diaconus, vel unus ex Aſſiſtentibus. S. R. C. 8. Auguſti 1643. in *Majoricana*.
- 716 Canonici Presbyteri non debent habere præcedentiam ſuper Archidiaconum, etiam ſi ipſe in Diaconali tantum Ordine ſit conſtitutus. S. R. C. 26. Septemb. 1643. in *Ariminen*. Vide in Indice n. 214.
- 717 Tam Seculares, quam Regulares, cujuſcumque Inſtituti, etiam Societatis Jeſu, non poſſunt excedere limites verbales Indultorum Sedis Apoſtol. ſuper Beatificationibus, præſertim in celebratione Miſſarum, & Officiis cum Octavis, niſi hoc expreſſe Sedes Apoſtolica eis indulſerit. S. R. C. 5. Octobris 1652. approbante Innocentio X. 16. Decembris ejuſdem Anni.
- 718 Regulares, etiam Societatis Jeſu, in Miſſis ſollemnibus adhibere debent Diaconum, & Subdiaconum; & in Veſperis Sacerdotem Pluviali indutum, ac in reliquis omnibus tenentur exactè obſervare Rituale, Ceremoniale, & Rubricas Miſſalis Romani. S. R. C. 5. Octobris 1652. confirmante Innocentio X. 16. Decembris ejuſdem Anni.
- 719 In novem diebus ante Nativitatem Domini, ubi adest antiquiſſima conſuetudo, vel concurſus, poteſt decantari unica Miſſa Votiva ſollemnis B. M. V. quamvis in ipſis occurrat Feſtum S. Thomæ Apoſtoli, & Dominica tertia, vel quarta Adventus, non omiſſa tamen Conventuali, ſtatuta hora decantanda, S. R. C. 28. Septembris 1658. in *Agren*.
- 720 Jus deferendi SS. Sacramentum, & Reliquias in Proceſſionibus, ſpectat ad Hebdomadariam Miſſarum ſollemniū peractarum poſt Proceſſionem, vel ad illum,

Hhh hh 2 qui

- qui immediatè ante Processionem eadem peregerit, privativè quoad reliquos, etiam Dignitates, & Seniores Canonicos, tam abiente, quàm nolente Episcopo prædicta munia subire. S. R. C. 26. Januarii 1658. in *Cajetana*.
- 721 Prima Dignitas Officium Presbyteri assistentis, Episcopo Divina Pontificaliter peragente, faciens, tenetur sustentare librum, quando solum Episcopus cantat, non verò quando legit, quod spectat ad Cappellanum, S. R. C. 16. Martii 1658. in *Ragusina*.
- 722 Patenæ suppositio per Sacerdotem Cotta indutum in Communione Generali, quæ per Dignitates agitur, licita est. S. R. C. 3. Sept. 1661. in *Andrien*.
- 723 Canonicus Pœnitentiarius Ecclesiæ Cathedralis non potest cogi ad inserviendum Missis cantatis pro Diacono, & Subdiacono, constitutione, seu consuetudine in contrarium, non obstante. S. R. C. 21. Januarii 1673. in *Velicena*.
- 724 Celebrans in Missa sollempni procedere debet ad præparatam sedem aperto capite, & ita regredi ad Altare, quando sedere debet, dum cantatur Hymnus Angelicus, & Symbolum Apostolorum, sed ad illa verba, quæ cantantur in Choro, ad quæ fieri debet inclinatio, tenetur se inclinare nudo capite, non obstante contraria consuetudine. S. R. C. 22. Martii 1676. in *Collen*.
- 725 In benedicendo Populum cum SS. Sacramento, iste modus approbatur, nimirum: cum Sacerdos stat ante Populum, Ostensorium ante pectus tenet, tum elevat illud decenti mora, non supra caput, sed tantum usque ad oculos, & eodem modo illud demittit infra pectus, mox iterum recta linea illud tollit usque ad pectus, & exinde ad sinistrum humerum ducit, & reducit ad dexteram, & versùs
- ante pectus reducit, ibique aliquantulum sistit, quasi peracta ad omnes Mundi partes Cruce, & Sacramentum etiam venerandum omnibus præbet, tunc gyrum perficiens collocat Ostensorium super Altare. Servari etiam potest alius modus, descriptus in Cerem. Episc. lib. 2. cap. 33. ubi requiritur tantummodo, ut cum eodem Sacramento Celebrans producat signum Crucis. S. R. C. 21. Martii 1676. in *Collen*.
- 726 Potest Episcopus concedere, etiam contradicente Parocho, licentiam Regularibus, in die festivitatis alicujus Sancti, præcipuè Fundatoris, faciendi processionem cum Reliquia ejusdem Sancti, & cum Confraternitatibus erectis intus Conventum, & extra Claustra dicti Conventus, & intra limites Parochiæ dictorum Regularium. S. R. C. 13. Junii 1676. in *Nuscana*.
- 727 Si urgente causa celebranda est Missa votiva infra Octavam, quæ habeat Præfationem propriam, ac Communicantes; in Missa votiva debet dici Præfatio conveniens, Communicantes verò de infra Octavam, quia est proprium de illa tempore. S. R. C. 16. Junii 1683. in *Granaten*.
- 728 Si Altare non haberet planitiem, sed multos gradus, vel si ipsam haberet nimis latam, debet in eo apponi pradella, quæ dividat Altare à planitie, ut Sacerdos incipiat Missam ante ipsam pradellam. S. R. C. 16. Junii 1683. in *Granaten*.
- 729 SS. Sacramento exposito, Gubernator Civitatis, seu personam Regiam representans, debet habere eandem sedem, vel scamnum, quod habet reposito SS. Sacramento. S. R. C. 16. Junii 1683. in *Granaten*.
- 730 Rubrica concedit usus Planetarum complicatarum ante pectus Diaconis, & Sub-

Subdiaconis, ministrantibus in Missa solemnem, in Cathedralibus, & præcipuis Ecclesiis, in diebus jejuniorum, cum limitatione, ut ibi; in minoribus verò Ecclesiis, Ministris prædictis dat tantum usum Albæ cum Manipulo Subdiacono, & cum Stola, ac Manipulo Diacono. S. R. C. 13. Junii 1684. in *Angelopolitana*.

Ex quo sequitur, quòd in Ecclesiis non insignibus Regularium, & Monialium, & in parvis Ecclesiis Secularibus, etiam Parochialibus, non conceditur usus Planetarum complicatarum. Vide n. 247.

- 731 Modus benedicendi alios, vel rem aliquam, debet esse cum manu recta, & digitis simul junctis, & extensis. S. R. C. 24. Julii 1683. in *Albinganen* Vide in Indice num. 406.
- 732 Patena ad Missam in extremitate, seu ora Patenæ, congruentius est osculanda. S. R. C. 24. Julii 1683. in *Albinganen*.
- 733 In Missis votivis B. M. V. quæ recitantur in Sabbato, dicitur *Gloria in Excelsis Deo*, etiam si non fiat Officium de eadem. S. R. C. 30. Julii 1689. in *una Ordinis Cappuccinorum*.
- 734 Licetum est Episcopo incedere cum Mitra, quando detere Reliquiam Ligni Sanctissimæ Crucis in Processionibus. S. R. C. 14. Junii 1692. in *Materanen*.
- 735 In expositione SS. Sacramenti, quæ fit ad instar Proscenii, quantitas luminum pietati facientis expositionem remittitur, & in Altari super candelabris ad minus sex candelæ accendi debent. S. R. C. 15. Martii 1698. in *Narnien*.
- 736 Si Episcopus Suffraganeus, accedens ad Ecclesiam, deferat Cappam, tenetur ipse sustentare sibi caudam involutam brachio sinistro, & duo Canonici debent ire usque ad ostium Ecclesiæ, dignior

verò illorum porrigere ei tenetur Aspersorium, quo Suffraganeus se ipsum tantum aspergit, & pariter eum associant ad eundem locum. S. R. C. 6. Septemb. 1698. in *Peliterna*.

- 737 Si Episcopus Suffraganeus assistens Concioni sedeat in Presbyterio, Concionatoris salutatio ei prius dirigi debet, distincta ab illa Canonicorum, & Magistratus Secularis. S. R. C. 6. Septembr. 1698. in *Peliterna*.
- 738 Si Episcopus Suffraganeus, occasione functionum Episcopaliū, accedat cum Cappa, debet se parare in faldistorio, aliis in sacario, non potest tamen sibi deferri facere caudam vestis violaceæ unà cum elevatione fimbriæ anterioris in plano pavimenti Ecclesiæ. S. R. C. 6. Sept. 1698. in *Peliterna*.
- 739 Non licet Clericis, ministrantibus Thuribulum, seu Naviculam Canonicis celebrantibus coram Episcopo, genu illis flectere, sicut fit Episcopo. S. R. C. 4. Aprilis 1699. in *una Burgi Sancti Sepulchri*.
- 740 Lampas ardens omnino retinenda est ante Altare Sanctissimi Sacramenti, non vero supra valvas Ecclesiæ in Choro de diametro opposito ante prædictum Altare. S. R. C. 22. Augusti 1699. in *una Ordinis Cappuccinorum*.
- 741 Episcopus Palmas benedicens, & Missæ assistens, non debet legere Epistolam, neque Evangelium: *Cum appropinquasset*, vel *Altera autem*, die post Passionem, tam ex praxi Cappellæ Pontificiæ, quam ex præscripto Ceremonialis Episcoporum. S. R. C. 28. Aprilis 1708. in *Bracharen*.
- 742 Dum Episcopus distribuit Candelas, Cineres, Palmas &c. Celebrans, & Ministri debent sedere Capitis coopertis. S. R. C. 28. Aprilis 1708. in *Bracharen*.

- 743 Episcopus assistens Missæ in Dominica Palmarum paratus, vel cum Cappa, non debet sedere, neque genuflectere, sed stare discooperatus, dum cantatur Passio, & in casu impatientiæ debet abstinere ab interventu saltem Missæ. S. R. C. 28. Aprilis 1708. in *Bracharen.*
- 744 Canonici, & Assistentes Episcopo parati, & illum ad Altare comitantes in Pontificalibus, ratione Paramentorum possunt procedere per Ecclesiam coopertis, non vero nudis Capitibus. S. R. C. 28. Aprilis 1708. in *Bracharen.*
- 745 In Ecclesiis, ubi Titulus est Ecclesiæ, vel concursus Populi ad celebrandum Festum, quod transferri debet, diebus, in quibus juxta Rubricas Missalis de *Translatione Fistorum*, possunt cantari duæ Missæ, una de die, alia de Festo. Sed in Ecclesiis, in quibus non est obligatio cantandi Missam quotidie, cantari potest Missa sollemnis votiva de Festo occurrente tantum. S. R. C. 17. Augusti 1709. in *Bergomen.*
- 746 In die Consecrationis, vel Tituli Ecclesiæ Parochialis, non Cathedralis, & per Octavas, non potest celebrari Missa Dedicationis, seu Titularis, sub eodem Ritu duplici, ac in Parochiali, etiam in Oratoriis eidem Ecclesiæ Parochiali subiectis, in quibus multi Sacerdotes celebrant. S. R. C. 17. Augusti 1709. in *Bergomen.*
- 747 Quando tertia Oratio in Missis est ad libitum, & ex jussu Summi Pontificis, vel Episcopi, debet apponi aliqua specialis Oratio pro publica indigentia, videlicet contra Turcas, seu ad petendam serenitatem, aut pluviam &c. hæc Oratio debet recitari tanquam ex præcepto, 4. loco, non omissa 3. loco illa, quæ est ad libitum, seu pro devotione Sacerdotis eligenda. S. R. C. 17. Augusti 1709. in *Bergomen.* Vide in Indice n. 476.
- 748 Canonico Episcopo Titulari, post delatam per Archidiaconum sive Presbyterum assistentem pacem Episcopo locali, non debet illa per eundem Archidiaconum, sive Presbyterum ipsi deferri, sed illam recipere debet ab eodem Ministro parato, qui eam distribuit Choro, & postquam Episcopus localis ipsam dederit Canonici assistentibus in Throno. S. R. C. 10. Aprilis 1728. in *Asculana.*
- 749 Canonicus Episcopus Titularis in Missis, & Vesperis cantatis cum assistentia Episcopi localis, tenetur discedere à Stallo unâ cum reliquis Canonici, pro faciendis consuetis circulis præscriptis à Ceremoniali Episcoporum. S. R. C. 10. Aprilis 1728. in *Asculana.*
- 750 Canonicus Episcopus Titularis, exerceente Pontificalia Episcopo locali, cum existentia Capituli sacris vestibus parati, potest cum reliquis Canonici in Stallo assistentibus deferre Pluviale, & de consensu Episcopi gestare Mitram lineam, sed illam per seipsum imponere, & removere debet à capite; & semper thurificandus est post Archidiaconum, seu Presbyterum assistentem, & Canonicos à lacere Episcopi in Throno pariter assistentes. S. R. C. 10. Aprilis 1728. in *Asculana.*
- 751 Canonicus Episcopus Titularis debet se abstinere à celebratione Missæ cantate, & Vesperarum de Turno in propria hebdomada, sed subrogare tenetur alium, in sollemnioribus vero Festis de licentia Episcopi debet uti Faldistorio, & indumentis Pontificalibus. S. R. C. 10. Aprilis 1728. in *Asculana.*
- 752 Præpositus Cathedralis, absente Episcopo, non debet thurificari triplici du-

ctu, neque praesente Vicario Generali. Ubi ob deficientiam Sedium fixarum Chori, Canonici sedent in scamnis, sive in functionibus sacris, sive in congressibus Canonicalibus, praesente, vel absente Episcopo, debet sedere in illis, primo loco, nec eidem apponenda est Sedes Cameralis. S. R. C. 21. Aprilis 1736. in *Anagnina*.

753 In diebus Sollemnibus, sacrum faciente Praeposito Cathedralis, non possunt exponi in gradibus Abaci pelvis, gutturium, & manutergium in lance pro *Lavabo*, duobus Mansionariis, vel Clericis cum Cotta ministrantibus, sed debet celebrare ad instar aliorum Canoniorum. S. R. C. 21. Aprilis 1736. in *Anagnina*.

754 In Processionibus Praeposito Cathedralis debetur Candela majoris ponderis, & in distributione Palmarum distincta, & honorabilior Palma, quam ceteris de Capitulo. S. R. C. 21. Aprilis 1736. in *Anagnina*.

755 Assistentibus in Choro Vicario Gene-

rali, & Praeposito Cathedralis, praecedere debet Vicarius, non vero Praepositus; secus vero si Praepositus sit indutus Sacris vestibus, aut si Vicarius sit Canonicus, & intersit in Choro habitu Canonicali. S. R. C. 21. Aprilis 1736. in *Anagnina*. Vide num. 14.

756 Praepositus Cathedralis, dum induitur vestibus choralibus, tolerari non potest, ut ei intersit unus ex Mansionariis; neque aliquis ex illis debet ei deferre Breviarium ad suum Stallum. S. R. C. 21. Aprilis 1736. in *Anagnina*.

757 Praeposito Cathedralis non debentur paramenta sacra, & nobiliora, in loco distincto à ceteris Canonicis. S. R. C. 21. Aprilis 1736. in *Anagnina*.

758 Praepositus Cathedralis tenetur per se ipsum, quando non est legitime impeditus, servare hebdomadam in Choro, & canere Missas per Turnum cum ceteris Canonicis. S. R. C. 21. Aprilis 1736. in *Anagnina*.

F I N I S.



INDEX